



無相思塵論

陳那菩薩造

陳西印度三藏法師真諦譯

盡

若說隣虛是根本因 不似起故
 非境如根識似聚起 不從彼生
 聚無有體譬如二月 由此二義
 外物非塵有說隣虛 聚成万物
 識似彼起故立為塵 隣虛體相
 若是實有識不似故 非境如塵
 隣虛若塵則識無別 若言相異
 則識不同異相在假 故體非真
 隣虛體量衆處无別 若除隣虛
 万識不起是故万物 悉是假名
 於內塵相如外而顯 立為識塵
 識似現故是識緣緣 隨生決定
 共立功能令次第起 二根共生
 勝能為根於識無身 更不為因
 勝能為塵平生無始
 若有人執眼等六識緣外境起是人
 或分別隣虛為境是識因故或分別
 隣虛聚為境似聚識起故塵者何相
 若識能了別其體相如其體相識起

无相思塵論 第二卷 盡字号

是故說此名塵隣虛无此事若隣虛
 實是識因譬如五根是故隣虛非塵
 若介隣虛聚應是境如聚識起故雖
 復如此如其相起識不從此生是故
 聚亦非塵何以故若塵能生識似其
 體相可信為塵何以故可說此塵為
 識生緣故聚者則不如此非實有故
 譬如二月由眼根乱識似二月起二
 月非識境界實无有故聚亦如此離
 隣虛无有實體故聚非識境界是故
 外塵由此二義非識境界一分不
 具故有諸師說是隣虛聚集成万物
 有多種相具足立此為境界何以故
 有別相能生證智非但隣虛及隣虛聚
 是故於隣虛及隣虛聚中有相為六
 識作境隣虛相者非塵譬如堅等隣
 虛中有堅濕熱動觸此物實有非眼
 識境界眼識不如其起故隣虛中万
 物亦如此何以故隣虛者於万物中
 若生識是識則无差別以万物中隣
 虛無有異故若汝言由相差別故生
 識異瓶等諸物相類不同緣此相故
 起識有異是義不然何以故如此相

无相思塵論 第三卷

貌差別於瓶等假名物中不无於隣
 虛實物中則无隣虛體量不異故於
 万物中隣虛體量所謂圓細無有老
 別是故万物相貌非是實有是假名
 有是假名相者謂瓶等諸物若除隣
 虛似瓶等識不生故實物者若析相
 應法似實物識不滅如來析時於瓶
 中五塵識生析竟五塵識亦不滅故
 五塵等是實有由此隣虛及聚万物
 不能生識是故外塵非識境界若介
 何法名塵於內塵相如外顯現是名
 識塵外塵實无所有於內識中衆生
 乱心分別故起六塵分別此分別如
 在於外如此顯現是四緣中名識緣
 緣以是識體相故由此識生故所以
 者何是識作內塵相從內塵生具二
 法故是故內塵名境界問曰如塵起
 識是亦可然內塵是識一分共一時
 起云何得作緣緣答曰立緣緣者識
 緣此生无有二故緣者一時共起能
 成餘法從他生決定隨逐生不生故
 問若次第生所緣能緣相去何答曰
 若因在前果在後果隨因因不隨果

无相思塵論 第四卷

若因有果必有若因无果必無果隨
 因或有或無是名因果相復次為安
 置功能次第故立所緣能緣是似塵
 識次第起為生似果起功能生識相
 續問曰若內塵是識緣緣是緣生經
 當云何釋經言依根緣色眼識得生
 廣說如經答功能體相能共造果說
 名為根問根者體用云何答勝能為
 體此體因何法可比度知有由生自
 果故是其勝能可得了別非有四大
 色此功能於識中无有妨碍此功能
 在識中離識其體不可顯示如我所
 立根與汝所立根同功能為體此有
 何異如此功能及似塵相更平為因
 如此功能及似塵相生從无始來志
 余依功能說名根緣內塵相名境是
 乱識不可言其相得生此法更平為
 因亦無有始何以故或功能成熟故
 起似塵識或似塵識故功能得成識
 者或異二或不異二或不可說如此
 內塵具二法故可為識境

無相思塵論

無相思塵論

校勘記

- 一 底本，金藏廣勝寺本。
- 一 九七九頁中三行譯者，資、積、普、南作「陳世三藏真諦譯」；徑、清作「陳三藏真諦譯」。
- 一 九七九頁中四行第七字「本」，資、積、普、南、徑、清作「等」。
- 一 九七九頁中末行第五字「別」，資、積、普、南、徑、清無。
- 一 九七九頁下二行第一〇字「故」，資、積、普、南、徑、清無。
- 一 九七九頁下一二行第七字「是」，資、積、普、南、徑、清無。
- 一 九七九頁下一三行第八字「此」，資、積、普、南、徑、清作「根」。
- 一 九七九頁下一四行第四字「能」，資、積、普、南、徑、清無。
- 一 九七九頁下一六行第九字「塵」，積作「虛」。
- 一 九七九頁下二二行末字至末行首

字「故起」，**資**、**磧**、**普**、**南**、**徑**、**清**作「起故」。

一 九八〇頁上一行第一三字「於」，**資**、**磧**、**普**、**南**、**徑**、**清**無。

一 九八〇頁上七行「如來」，諸本（不含**石**，下同。）作「如未」。

一 九八〇頁上一二行「外塵」，**資**、**磧**、**普**、**南**、**徑**、**清**無。

一 九八〇頁上二〇行「一時」，諸本作「或一時」。

一 九八〇頁上二二行首字及中八行第四字「問」，**資**、**磧**、**普**、**南**、**徑**、**清**作「問曰」。

一 九八〇頁上末行首字「若」，**資**、**磧**、**普**、**南**、**徑**、**清**無。

一 九八〇頁中四行第一二字「生」，**資**、**磧**、**普**、**南**、**徑**、**清**無。

一 九八〇頁中七行第五字及八行第一一字「答」，**資**、**磧**、**普**、**南**、**徑**、**清**無。

一 九八〇頁中一〇行首字「果」，**資**、**磧**、**普**、**南**、**徑**、**清**無。

一 九八〇頁中末行經名下，**資**有「一卷」二字；**徑**有夾註「全」字。